



Claudii Fleurii Abbatis Historia Ecclesiastica

Ab anno Christi 1691. usque ad annum 1701

Fleury, Claude

August. Vind. [u.a.], 1781

VD18 13322648

§. 8. Hi Doctores Regis jussu in exilium amandati.

[urn:nbn:de:hbz:466:1-67627](https://nbn-resolving.de/urn:nbn:de:hbz:466:1-67627)

vehementer questus, duas literas ad Sæc. XVII. Jesuitas scripsit, in quibus eos hujus A. C. 1691. doli aut Architectos, aut operarios traducens, fictum hunc Arnaldum, Angelum Sathanæ, Diaboli organum &c. appellitabat.

§. VIII.

Hi doctores Regis jussu in exilium amandati.

Postquam hi Duacenses Doctores se tam turpiter delusos compererant, Regis indignationem veriti, se paratos exhibuere, ut suam subscriptionem revocarent, propositionesque detestarentur, quinimo suis propriis literis convicti, ac poenarum metu territi formulæ simpliciter subscripserunt, quoniam vero pro more suo juramentum ita interpretati essent, ut supra solas quinque propositiones, non autem super sensum ac librum Jansenii caderet, aliunde vero Belgii Præsules & Parriensis Archiepiscopus huic interpretationi acriter obsisterent, hinc Franciæ Rex facti promissi sinceritatem jure sibi suspectam habens, hosce Doctores in exilium detrudi jussit: Igitur præprioris Gilbertus ex S. Quintini oppido, ubi jam exul morabatur, ad alpes sancti Flori, ac inde Tiernum abducebatur;

Sæc. XVII. batur; postea in arce *Incisæ Petrae* in A. C. 1691. clusus. Laleus vero Cenomanum Rivettus Constantiam in Normania Malpesius ad Santones, & Lignius Turonium patria extores expulsi sunt. Hæc demum erat catastrophe improbus lufus, a cuius Auctore animi honestas, sinceritas, integritas, probitasque longe exulabant, delusi autem nimis luculenter testati sunt, quod tanto tempore Pontificibus, Episcopis, eorumque decisionibus, & Senatum decretis illuserint, dum reipsa, ac propriis verbis, & confessionibus etiam Notarii auctoritate signatis professi sunt erroneam doctrinam, quam tamen perversa simulatione per plurimos annos nonnisi merum phantasma, hostium suorum commentum, ac puerorum terriculamentum esse sparserunt.

§. IX.

Varia consilia pro componendis religionum dissidiis.

*Op. Posth.
Bossuet.
Vol. I.*

Jam longo abhinc tempore in Imperii comitiis pro sedandis religionum tumultibus, quibus Germania miserum in modum discindebatur, varia agitata fuere consilia: Præprimis vero Leopoldo Imperatori præplacuit illorum consilium, qui per amica colloquia Pro-